

Sejarah sosial komuniti Eropah di Borneo Utara (1881-1941)

ABSTRACT

Kertas kerja ini membincangkan tentang sejarah sosial komuniti Eropah di Borneo Utara semasa era pentadbiran Syarikat Borneo Utara British (SBUB) dari tahun 1881 hingga 1941. Kehadiran komuniti Eropah di Borneo Utara banyak dipengaruhi oleh perkembangan pentadbiran dan ekonomi, iaitu golongan pentadbir dan juga pelabur dalam industri perlombongan, pembalakan dan perladangan. Keadaan Borneo Utara yang jauh dan masih kurang maju menyebabkan kehidupan di Borneo Utara sebagai suatu yang amat mencabar bagi komuniti Eropah. Justeru, mereka telah berusaha untuk mewujudkan suasana yang selesa dengan menganjurkan pelbagai aktiviti sosial dalam bentuk sukan, hiburan, rekreasi dan persatuan sebagai mekanisme untuk berhadapan dengan kehidupan seharian di Borneo Utara. Berpandukan kepada sumber primer berbentuk dokumen, akhbar dan sumber sekunder, kajian ini bertujuan untuk mengidentifikasikan bentuk aktiviti sosial yang dilakukan oleh komuniti Eropah dalam tempoh pentadbiran SBUB. Juga menilai sejauh mana aktiviti sosial yang dilaksanakan ini sekadar berperanan untuk berinteraksi, mengisi masa lapang dan hiburan semata-mata atau mempunyai motif lain.